



ル 5
3143
16



門 儿 5
3143
卷 16

偃師縣志卷二十九

翰林院編修孫星衍

偃師縣知縣湯毓倬

同纂

祥異志

上古

黃帝出遊洛水之上見大魚殺五能牲以醮之天乃甚
雨七日七夜魚流於海始得圖書今河圖帝視萌篇是

也帝王世紀按水經注
在偃師縣伊洛合流處

皇帝東巡河過洛修壇流璧受龍圖於河龜出於洛赤
文篆字堯幸舜升於首山而導河渚有五老遊焉相謂

偃師縣志

卷二十九

祥異志

一

河圖將來告帝期知我者重瞳也五老乃翻為流星而

升於鼎見水經注

商

湯在亳東觀於洛習禮堯壇降三分洗璧退立榮光乍
啟黃魚雙躍出濟於壇黑鳥以雄隨魚亦止化為黑玉
赤文勒曰元精湯受神福伐桀克之三年天下悉合見
尚書中侯

殷

帝武丁祭成湯明日有飛雉登鼎耳而响武丁懼祖已
曰王勿懼先修政事武丁修政行德天下咸驩殷道復

帝太戊立伊陟為相有祥桑穀共立於朝一莫大拱

太戊懼問伊陟伊陟曰臣聞妖不勝德帝之政其有缺

與帝其修德而祥桑枯死見史記

漢

高祖四年伊洛泛漲流千六百家

光武建武七年戊辰洛水溢

安帝元初三年緱氏地裂

順帝陽嘉元年正月京師旱遣大夫謁者詣嵩高首陽

山并祠河洛請雨

永和元年秋七月偃師蝗

桓帝永壽元年六月洛水溢

延熹八年六月緄氏地裂

靈帝熹平五年夏大旱開三府請雨使者與郡縣戶曹

掾吏登首陽山并祠求雨見後漢書注祭邕伯夷叔齊

碑

魏

文帝黃初四年六月大霖雨伊洛溢

唐

神宗神龍二年洛水溢

長十五里深不可測或衝冢墓樞出平地無損

僖宗乾符六年夏雌雉集於偃師城南樓及縣署

劉何說苑云野鳥入處宮室將空

宋

真宗大中祥符二年七月洛水泛漲

徽宗崇寧三年偃師產嘉禾穗異本同穎莖長三尺穗

長一尺八寸知縣李稅作頌獻於朝

元

惠宗二十二年河南洛陽偃師孟津三縣皆大旱人相

食

順帝至正五年伊洛泛漲漂沒人民千家

明

英宗正統五年寺莊民獲白鹿進之

景帝景泰七年伊洛水入城

英宗天順三年偃師儒學生落蘓有一莖三實以至六實色紫食之如飴

憲宗成化七年伊洛漲水入城漂沒居民

十九年伊洛水入城

二十年山水入城歲大饑時山西陝西河南三年大旱
旱橫途加以瘟疫朝廷特頒府帑及三省大臣改撥
江左運糧十萬餘艘賑濟其京官藩臬會於孫家灣分
賑構亭於龍泉寺名曰籌運亭

武宗正德八年黑雉見

世宗嘉靖元年正月地震

六年八月府店民孫仲祿窰內枯木生芝

七年戊子大旱

八年己丑大有年

二十九年庚戌旱

三十二年癸丑春西關一井水下石擊之堅不可破夏

六月大霖雨伊洛漲人城內水深丈餘漂沒民舍公廨
殆盡人畜死者無數民不得食者凡七日惟取生棗爛
之

三十三年甲寅大疫

三十四年乙卯冬十二月地震

三十五年丙辰春正月地震三月雨雹

三十七年戊午紫虫食麥

三十九年庚申伊洛水泛溢生員喬惟重家雌鷄化爲
雄

四十年辛酉夏四月大雨雹六月地震大雨雹

四十年壬戌夏大旱五月五日雨麻子蕎麥生苗秋
水貫

四十三年甲子井冰

穆宗隆慶三年伊洛水溢入城知縣王環三面築堤嗣
是水不爲患

神宗萬曆八年大饑人相食

四十四年丙辰蟲

四十八年甲申大無禾

熹宗天啟二年洛陽偃師等六縣同日地震
五年黑青見遇者手足被傷聞金鼓聲則去

莊烈帝崇禎十三年庚辰大無麥禾洛水深不盈尺流
賊起人相食

十四年辛巳春大疫死者枕籍斗米五千錢

十六年癸未歲大饑李際遇盤踞山寨人不得耕但食
榆皮桑椹有數日不火食者民多逃徙河北

國朝

順治四年丁亥春無雨夏伊洛水溢無禾是年水溢者

三

十五年戊戌伊洛水溢無禾夏六月崇寧頭村寇宗武
家六口無病一日死無疾而死者甚衆冬寺莊村民一

守產二犢

以上俱見各史

康熙元年壬寅伊洛水漲至堤

二十七年戊辰瑞穀生廟前村齊榮貴地內穀一莖三
穗或三穗知縣王澤長詳報具題

以上見舊志

三十年辛未蝗大旱秋無禾疫

三十一年壬申春無雨民大饑奉文本年錢糧全蠲前

二年拖欠寬貸至後二年帶征民始有生

三十四年乙亥地大震

四十八年己丑伊洛水漲至堤

五十二年癸巳地震

六十年辛丑旱蠲糧三分餘停徵

六十一年壬寅春夏無雨停徵

雍正六年戊申許家莊民王喜妻姚氏一百一歲建坊

十二年甲寅伊洛泛漲平地水深數尺

乾隆六年辛酉五月雨雹六月伊洛水漲至堤知縣朱

續志增修堤防

八年癸亥六月旱秋稔知縣朱續志詳報具題奉文賑

貧乏分別蠲免錢糧餘緩至九年十年十一年帶徵

九年甲子大有年

十年乙丑秋大稔

十一年丙寅甄家莊民管可信妻劉氏一百一歲建坊

以上見
朱志

縣志卷三十

翰林院編修孫星衍

偃師縣知縣湯毓偉

同

大事記

商

湯十有八祀王至東郊論諸侯功罪

周

惠王三年秋王及鄭伯入於鄆

敬王元年劉子樊齊以王如劉

四年秋王次於滑

漢

武帝元鼎六年帝如緱氏觀大人蹟

元封元年春正月帝行幸緱氏翌日登嵩高

光武建武九年丙戌六月帝幸緱氏登轘轅

明帝永平十五年二月辛丑帝東巡狩幸偃師

章帝建初七年九月甲戌帝幸偃師東涉卷津

和帝永元十六年十一月己丑帝幸緱氏登百坏山賜

百官從臣布各有差

晉

永安二年成都王穎引兵將向帝幸偃師舍於豆田

武后聖歷二年幸緱氏

周春秋左氏傳

桓王八年秋王取鄆劉為邢之田於鄭而與鄭人蕪忿生之田

襄王十二年鄭人入滑

襄王二十五年二月秦人入滑

靈王十年七月己未同盟於亳城北

景王二十五年夏六月丁巳王子朝帥郊要餞之甲以

逐劉子壬戌劉子奔揚癸亥劉子如劉丙寅劉子入於

王城冬十月庚申單子劉益以王師敗績於郊十二月
晉籍談荀躒帥師軍於緱氏

敬王元年正月壬寅朔晉人圍郊郊鄆潰夏四月乙酉
單子取訾即今鳳臺山秋七月戊申尹辛敗劉師於唐丙辰

又敗諸鄆
二年春正月戊午王子朝入於鄆

四年夏五月戊午劉人敗王城之師於尸氏戊辰王城
人劉人戰於施谷劉師敗績七月己巳劉子以王出王

城人焚劉辛巳王次於滑晉知躒趙鞅帥師納王冬十
月丙申王起師於滑遂次於尸召伯逆王於尸及

單子盟
六年鄭人伐滑

文獻通考允姓之戎遷於滑納不及輶駘

秦

史記秦二世三年沛公因張良謀畧地輶駘

前漢書

秦三年趙將司馬卬方欲渡河入關沛公乃北攻平陰

絕河津南戰雒陽不利從輶駘東注緱至陽城敗軍

中馬騎

前漢書

曹參傳從西攻陽武下轅轅緱氏絕河津擊趙賁軍尸

北破之孟康曰尸鄉之北

周勃鄼商傳同

後漢書

宣帝中平元年黃巾賊起京師震動詔勅轅轅孟津小

平津等關皆置都尉

晉書

懷帝永嘉二年漢王彌入自轅轅敗官軍於伊北

永嘉四年王彌南出轅轅流民之在潁襄南汝者為居

民所苦皆殺長吏以應之

十二年劉裕伐秦軍至成皋秦姚洸鎮洛陽遣

元屯守柏谷塢毛德祖擊敗之

北史

東魏武定初高季密以虎牢降魏宇文奉帥軍應之至

洛陽遣于謹攻柏谷塢拔之

元魏景明二年咸陽王禧謀為變事泄自洪池東南走

濟洛至柏谷塢追兵擒之

宋書

武帝紀帝西征營於柏谷塢西有鈎鎖壘

隋

煬帝大業十三年李密遣裴仁基以東都東都出兵擊之仁基敗走密自帥眾屯回洛倉以偃師金墉不克還洛口

恭帝義寧元年李密破宇文侏及王世充欲乘其弊而攻之簡精卒二萬餘人營洛水為犄角密軍偃師北山因新破敵有輕世充心不設壁壘世充夜遣二百騎徹山伏因秣馬蓐食遲明薄之密陣未成伏兵上北原乘高馳下壓其營縱焚廬落密眾大潰其將張童仁陳賀累進拔偃師

恭帝義寧二年王世充進兵擊李密於洛北敗之密兵三十萬陣於北邙南屯上春門越王侗使段達擊之達望見密兵盛懼而反走密縱兵乘之軍潰津死於是偃師柏谷等處皆降於密密既拔偃師築金墉城以居之

恭帝皇泰元年王世充擊密密自引精兵出偃師北阻山世充軍至密眾大潰馳向洛口

書

高祖武德元年王世充悉眾簡精兵擊李密密令王伯當守金墉自引精兵出偃師北阻邙山待之裴仁基請乘虛向洛待其拔歸以疲之密不能用世充陰索貌類

密者使縛之既兩軍接埃霧囂塞世充軍江淮士出入若飛密心動世充督衆疾戰使索貌類密者過陣諜曰密獲矣軍士皆呼萬歲密軍遂潰裴仁基祖君彥皆爲世充所擒偃師劫鄭頰叛歸世充

武德四年秦王世民破王世充下轅轅羅川二縣獲將魏隱擊緱氏沈運艘三十艘遂圍東都

肅宗乾元二年史思明自范陽至偃師李光弼悉軍趨河陽身以五百騎殿賊游騎已抵洛城唐兵方至石橋諸將曰並城而北乎當石橋進乎光弼曰當石橋令士夜持炬徐引部曲重堅賊不敢逼已入三城賊譁賊不敢犯宮闕

肅宗至德二年廣平王俶郭子儀等收復東京安慶緒帥其黨走河北殺所獲唐將哥舒翰等三十餘人許遠死於偃師

金史

哀宗天興二年五月元兵攻洛城中軍留守元帥強伸列陣於洛水北死戰城陷伸卒死士數十人轉戰至偃師力盡就執不屈死之

明史

武宗正德六年流賊齊彥明等圍偃師知縣朱景禦之

四日不克

莊烈帝崇禎八年流寇犯偃師境所至焚殺

九年流寇將犯偃師知縣夏士譽先募習義勇五千人

守城禦賊賊偵知駭遁城賴以完

見王鐸碑記

十年流寇復犯偃師境屠戮尤甚

十三年李際遇號召饑民盤踞偃師南山御砦時出掠

邑境

十四年流寇圍偃師知縣徐日泰率眾拒守十日不克

十五年流賊李自成復攻偃師久不克因郡城陷降兵

詳開南門城遂破知縣徐日泰縣丞白世祿訓導劉

陳光斗及生員武同芳同日死之

事記

後漢書蔡邕妙操音律中常侍徐璜左瑄等五侯擅恣

聞邕謠鼓琴遂白天子敕陳留令等督促發遣邕不得

已行到偃師稱疾而歸

異苑陶侃字士行微時遭父難有人長九尺通刺請謁

字不可識侃心怪其非常出庭拜迎其人告曰吾王子

晉也君有巨相故來相親於是脫衣哈服仙羽升鶴飛

颺去

唐高僧傳元奘初往西域至罽賓國道險不可過元奘

閉室而坐至夕忽見老僧授以心經一卷令誦之遂得
虎豹潛跡麟德初告門人曰有爲之法必歸磨滅泡影
石光何得久停年五十六必逝至期示寂貌如生葬白
鹿原靈巖寺有松一株元奘摩其頂曰吾西去求佛可
西長吾歸卽東使吾弟子知之去後松果西長一日
忽東弟子曰吾師歸矣旋至號爲摩頂松

唐書畢構與盧藏用陳子昂陸餘慶杜審言宋之問郭
龔微司馬承禎趙貞固釋懷一爲方外十友

明皇時有方士不召而至帝命道士孫太冲親承密詔
封授真訣煉金丹於嵩陽明年移藥鼎於緱氏升仙去
子後製造之工神異之效愈於初焉

酉陽雜俎緱氏崔元徽春日遇數美人自謂李氏桃氏
石醋醋封十八姨諸女伴曰每苦惡風常求封十八姨
相庇處士每歲但作一朱幡圖日月五星則免崔從之
其日暴風拔木而園中桃李石榴等花皆無恙一說諸
郎衣服顏色各異自言俱在苑中邀封家十八姨命席
各歌以送酒紅裳人歌曰絳衣披拂露盈盈淡染胭脂
一朶輕自恨紅顏留不住莫怨春風道薄情白衣人歌
曰皎潔玉顏勝白雪况乃當年對風月沉吟不敢怨春
風自嘆容華暗消歇李氏李花精桃氏桃花精醋醋石

榴精十八姨風神也

傅梅嵩書洛陽道士邊洞元於萼嶺遇一書生以木簡負數冊書酒一大壺同憩松下傾酒飲洞元洞元醉書生曰我有術可與師醒酒取木簡摩拭化爲劍曰借師之肝膾之可乎洞元懼而醒乞命遂揮劍騰空去擲下書一卷有絕句云邂逅相逢萼嶺巔對傾浮蟻共談元擬將劍法親傳授却爲迷人未有緣

逸史唐盧叔敏居緱氏縣卽故太傅文貞公崔祐甫之表姪時祐甫初拜相有書與盧生令應明經舉生遂自緱氏赴京行李貧困有驢兩頭又袋一奴才十餘歲而已初發縣有一紫衣人擊小僕與生同行云送書狀至城辭氣甚謹生以童僕小甚利其作侶扶接鞍乘每到店必分以茶酒紫衣者亦甚知媿至萼嶺早發十餘里天纔明紫衣人與小奴驅驢在後忽聞奴叫呼聲云被紫衣人歐擊生曰奴有過但言必爲科決何得便自打他言訖見紫衣人懷中抽刀刺奴洞腸流血生乃驚走初尙行驢行數十步已見紫衣人趨在後棄驢并靴馳十數步紫衣逐及以刀刺倒與奴同死於嶺上時緱氏尉鄭楚相與生中外兄弟晨起於廳中忽困睡夢生被髮血污面曰謂尉曰某已被賊殺矣因問其由某狂死

然此賊今捉未得乃牽白牛來跛左脚曰兄但記此牛
明年八月一日平明賊從河中府與同黨買牛來如此
過入西郭門最後驅此者卽是鄭君驚覺遂言於同僚
至明日府牒令捉賊方知盧生已爲賊所殺於書帙中
得崔相手札河南尹捕捉甚急都無踪蹟至明年七月
未鄭君與縣宰計議至其日五更潛布弓矢手立於西
郭門外鄭君領徒自往伏於路側至日初出果有人驅
牛自西來者後白牛跛脚行遲不及其隊有一人驅之
牛乃鄭君夢中所見盧生牽者遂擒掩之并同黨六七
盡得驅跛牛者乃殺盧生賊也問之悉伏云此郎君與
某有恩某見其囊中書謂是綾絹遂劫殺之及開之知
非也唯得絹兩疋耳白此來常髣髴見此郎君在側如
未露尙欲歸死已就執豈敢隱諱乎因具言其始末與
其徒皆死於市

舊志成化間印山上有火夜照不滅俗呼爲萬年燈後
農人掘地見一珠走地上光焰耀目轉動如飛懼而碎
之嗣是光不復見或云人伐冢取之今窰頭山有冢人
謂萬年燈云

河神黃大王逸事神生於萬歷十一年癸卯歲十二月
十四日雲霧蔽天香氣滿室空中有聲曰河神降矣生

歲餘幼兄攜出外失足落井兄奔告家人往救立井畔神坐水面拍手嬉笑男婦觀者喜躍因共出之六歲隨母舅劉在舟觸舅怒叱之遂投洛河深處舅沿河號哭自辰至申撈救不獲忽見從上流半里水中出衣不濡濡七歲浴洛水浦得野鶴乘之飛登緱山巔徘徊良久復駕鶴歸洛所鄉人聚觀以爲異常北遊天壇山天旱泉竭農民告艱神指地開泉一曲至今利賴焉崇禎季年流寇劫掠將抵洛偃神令居民趨避河北樓子營男婦因以活者數萬人十二歲隨舅船抵虞城張家樓時有糧船二百餘艘阻沙不能動運官吳姓夜夢金甲神告曰明午有活河神姓黃者至此相貌年齒若何神至如夢所見拜懇之神書黃紙焚水濱風起沙退船乃行封邱金龍口潰水北流糧道淤塞工部侍郎周堪廢治之費金數十萬無補親赴偃敦請神至乘舟使人持柳條數枝挿決口三日後水歸故道糧道遂通

國朝順治二年金龍口決

欽命重臣督工堵塞限三月竣功糜數萬金未得藏事聞神有奇術延請求策神至捲埽入河埽穩不動堤工告成七年沁河溢堤將頽守道佟總鎮麻急檄武陟令劉誦門請神不赴投以黃符一張命焚沁河土波濤頓

息八年相縣大旱迎神至邑沐手焚香祝霖大沛杞入
 為立廟祀之薛家口南山密林中有龍為蛛魅所困吐
 絲縛龍林木上神偶過其地龍向前乞哀神運火焚絲
 龍得騰去後因求者甚眾避居潁川常夜乘虎與鹿往
 來於其家在明末時與周藩善沐距偃三百餘里時周
 藩遣官召之人每見空中神騎一物如龍鱗狀有爪無
 角瞬息入宮其他異事不可枚舉

襄修志事姓氏

協輯

偃師縣儒學教諭袁其枝

偃師縣儒學訓導韓廷桂

採訪

邑進士廣西州知州戴書紳

舉人青陽縣知縣段中律

舉人羅次縣知縣戴書丹

舉人西平縣訓導喬德淵

舉人呂積慶

舉

入陳嘉猷

舉

入鄭道印

舉

入席榮甲

舉

入武虔

歲

貢

生姬鳳桐

舉

入姬焜

歲

貢

生史照丹

恩

貢

生張同樑

歲

貢

生趙昌

廩

膳

生徐丙陽

廩

膳

生張泰圖

廩

膳

生戴書滋

增

廣

生武伸

生

員高玉堂

生

員張丕謨

生

員燕雲從

生

員曹翰顯

生

員張裴洛

生

員王焜

生

員董仁麟

生

員栗正位

監

生王希祥

監

生張大任

監

生褚允嘉

監

生張鵬年

監

生蔡永銓

監

生韓甲辰

武

生秦鏊

經理

生

員王桂酉

生

員段知來

生

員胡丕基

武

生石中魁

監

生張輝祖

監

生宋允升

武

生曲忻

監

生朱殿魁

監

生智燈

監

生趙廷臣

監

生楊芳壽

監

生馬永福

監

生郭民膏

監

生董百龍

監

生劉斯欣

監

生丁太和

監

生郭宗周

監生捐衛千總職秦遇丙

武

生姬禧

生

員李世兆

武

生趙世明

武

生張丙昌

武

生李宮珮

校勘

廩

膳

生王功所

生

員張興宗

生

員武汝淳

生

員張同升

生

員武嘉淳

生

員李法曾

生

員王維樑

生

員武熙淳

生

員王煥曾

生

員武炳南

督刊

生

員呂全中

生

員蔣際虞

監

生史篆丹

五例得附載

進選西昌

